

Texte 22 – Archives départementales du Morbihan
E 1471 – Fonds de Rohan-Chabot
1248, 7 novembre – Manoir de la Ville-Jégu (Cambout)

Troisième partage du comté de Porhoët entre Raoul, seigneur de Fougères, Pierre de Chemillé, seigneur de Brachessac et sa femme Aliénor, et Olivier de Montauban et sa femme Jeanne.

1248. Samedi apres la feste de Toussaints au mois de novembre.

A toz ceos qui verront ces lettres, Raol, seignor de Fougères, Pierre de Chemillé, seignor de Brachesac et Alienor sa fame et Olivier de Montauban et Joenne sa fame, Saluz en nostre seignor. Sachez que comme contenz fust entre nous par devant diz sus le fieu¹ de Porrehoit de lescheeite² mon seignor Eun le filz le conte, pez fut fete entre nous en tel manière qu'à celui Raol de Fougères remeignent en pez tote la parroisse de Lannoys et la forest en totes choses sanz ce que en cele parroisse de Lannoys et en la forest de Lannoys, ne poent les devant diz Pierre de Chemillé n'Alienor sa fame, ne Olivier de Montauban ne Joenne sa fame, ne lor eirs rien demander par nule dreiture des ore en avant et quant il aviendra que le do-aire Margarite qui fut fame monseignor Eun, le filz le conte, escherra³ apres la mort de cele, le herbergement de la Vile Jagu et le Plessez si comme il porsiet⁴ reviendra à celui Raol de Fougères et à ses eirs et tote l'autre terre qu'il tient par doaire sera partie en trais parz a dit de chevaliers que is metront ; si que cil Raol de Fougères en aura les dous parz au mietz seant de lui et cis Pierre de Chemillé et sa fame et Olivier de Montauban et sa fame en auront le tierz et c'est à saveir que la paroisse de Mohon en totes choses demore à icil Raol de Fougères et à ses eirs hors ce qu'il en let au diz Pierres de Chemillé et à sa fame et à lor eirs si comme les bo-nes devisent qui sont mises, c'est à saveir le feu Karou⁵ qui est de son heritage de plus et de per ses effanz en la Trinité⁶ et ce que les borzeis mon seignor Pierre de Chemillé et les omes mon seignor Karou tenaient par devant dedenz les bones et c'est à sa-veir que la meteirrie de Causat et cele terre que la mere Karou teneit et le bie de ses molins de Causat si comme il s'estent avec la pri-se de leve, demore à tenir de cil Raol de Fougères et de ses eirs rendreit les homes qui tenaient de cil Raol de Fougères en la vile de la Trinité remeignent à tenir de cil Pierre de Chemillé et de Alienor sa fame et de lor eirs si come les bones sont mises et est tenir icil Raol de Fougères à li fere atoner ceos qui estaient homes mon seignor Pierre de Chemillé de feu de Porrehoit par devant de celiu fieu qui est en la Trinité, et s'il i aveit aucun des omes qui ne fussent par omes à cil Pierre de Chemillé par devant de feu de Porrehoit, icil Raol de Fougères deit fere son poeir des fere tenir de cil Pierre de Chemillé et de Alienor sa fame et de lor eirs de ce qu'appartient dedenz les bones devant diz de la Trinité lor tenant toziors le jugement de sa cort s'is se volaient à plegier⁷ de mostrer qu'is non deussent pas fere. Et si les omes qui tenaient de cil Pierre de

¹ Fief.

² Du mot echeoite signifiant succession.

³ Initialement « escharra ».

⁴ Du verbe porseoir signifiant ici s'étendre, se prolonger.

⁵ Charles de Bodégat, seigneurie sise à Mohon très proche de la Trinité-Porhoët.

⁶ La Trinité-Porhoët.

⁷ Ici dans le sens de défendre, soutenir que.

Chemillé par devant ne les omes qu'il prent de l'eschange de Carou tenaient aucune chose de celui Karou dehors les bones qui sont mises, il le tendront encore s'is volent en la manière qu'is le tenaient par devant de Karou et celui Raol seignor de Fougeres à eschangié à celui Carou vint et cinc livres de rentes por l'eschange qu'il fet à cil Pierre de Chemillé lesquex vint et cinc livres il a asises à cil Karou en la paroisse de Mohon. Et cil Piere de Chemillé et sa fame ont eschangié à celui Karou au presage que mon seignor Ro-bert de Medreignac et mon seignor Guillaume de Monborcher et mon seignor Thomas de Chemillé ont fet le surplus de la value de la terre que cil Pierre de Chemillé retient outre les vint et cinc livres de rente ci li a asises mon seignor Raol de Fougeres en la paroisse de Mohon et outre icelui presage icis Pierre et Alienor sa fame ont doné et asis à celui Karou et à ses eirs cent soldees de rente si come les devant diz chevaliers deviserent et quanque icel Karou tient de par lui et de par ses effanz dou feu de Porrehoit tendront lui et ses eirs dou seignor de Fougeres et de ses eirs par cete pez et en seront ses omes sau l'enznaage⁸ à l'eir mon seignor Henri de Coillogon quant il le vodreit demander ne porreit, à tenir dou seignor de Fou-gieres. Et sont tenuz icil Pierre de Chemillé et Alienor sa fame, por os et pour lor eirs, à fere otreier à l'eir de Coillogon à tenir dou seignor de Fougeres et de ses eirs icel enznaage qu'il a sus Karou et sus ses eirs quant il vendra en aage de l'aveir et en doner ses lettres au dit seignor de Fougeres et à ses eirs et icil Raol de Fougeres est tenu à fere otreier cete co-venance aus eirs à cil Karou s'is volaient aller encontre quant is seront en aage et cil Pierre de Chemillé ne Olivier de Montaubon ne lor fames devant dites ne lor eirs ne poent demander porcors⁹ de nule beste en la forest de Lannoys, ne cil Raol de Fougeres ne ses eirs ne poent demander porcors de nule beste en la forest de Lodeac. Et de trestotes les autres choses dou feu de Porrehoit que ci ne sont nommees, icil Raoul de Fougeres et cil Pierre de Chemillé et Olivier de Montaubon et lor fames devant dites demorent en autretex sesinés come mon seignor Eun le filz le conte lor devisa. Et de cete cove-nance tenir en bone fei is s'entredonent lor lettres et en sont par fei et cete chose est, sauve la dreiture à cil Raol de Fougeres qu'il a par enznaage en lore et ou tens qu'il le porra reclamer ne devra. Et de cetes cove-nances et de totes les autres devant dites enteriner icel dit Raol de Fougeres, Pierre de Chemillé et Alienor sa fame et icel Olivier de Montauban et JOenne sa fame doivent doner en plege et en garde le conte de Breteigne come seignor de ce fere tenir aus parties en bone fei por os et por lor irs et en doivent avoir les parties les lettres le conte de Breteigne, et ce ont juré les parties devant dites à tenir en bone fei por os et por lor eirs. Ce fut fet et otreié avec l'otrei des parties au mener de la Vile Jagu en l'an de l'incarnation mil et dous cenz et quarante et oit ou jor de semadi apres la feste de toz sains ou meis de novembre.

⁸ Droit d'aînesse, ici dans le sens tenement de l'aîné (possessions, propriétés). Pour le sens de la phrase, la seigneurie de Bodégat relève désormais du seigneur de Fougères, statut néanmoins assorti d'un droit pour l'héritier d'Henri de Coëtlogon dont la seigneurie est également très proche de la Trinité-Porhoët et de Mohon.

⁹ Droit de parcourir les forêts, de chasser.